

第一〇〇冊

方輿彙編

職方典

汝州部

陝西總部

西安府部

(卷)

四二—四六

四九—四〇

四二—四四

古今圖書集成

中華書局影印

欽定古今圖書集成方輿彙編職方典

第四百八十一卷目錄

汝州部彙考一

汝州建置沿革考

汝州疆域考

汝州星野考

汝州山川考

職方典第四百八十一卷

汝州部彙考一

汝州建置沿革考

本州

通志



禹貢豫州之域周爲王畿地春秋時楚鄭二國之境戰國屬韓後屬魏秦屬三川郡漢置梁縣屬河南郡曹魏因之屬舞陽郡晉改屬河南尹後魏屬汝北郡東魏置北荊州隋初置伊州大業元年始改曰汝州以汝水爲名尋改爲襄城郡以梁縣屬之唐初爲伊州襄城郡貞觀八年更州名曰汝州天寶元年更郡名曰臨汝郡屬河南道五代梁爲防禦州宋復爲汝州政和間陞陸海軍節度屬京西北路金廢軍州縣如故屬河南路元仍舊明洪武初省梁縣入焉屬南陽府成化六年改直隸布政使司十一年又增置寶豐伊陽二縣以屬之編戶五十四里

皇清因之領縣四

魯山縣

夏劉累醢龍懼罪遷於魯卽此周春秋時爲鄆邑秦爲三川郡地漢置魯陽縣屬南陽郡東漢因之晉改郡爲國縣屬如故隋改爲魯縣屬襄城郡唐初置魯州始改縣曰魯山貞觀中州廢以滑陽縣省入屬汝州臨汝郡宋屬汝州陸海軍金元俱屬汝州明屬汝州

皇清因之編戶四十里

郟縣

周春秋時鄆地漢始置爲縣屬潁川郡東漢省三國魏復置屬襄城郡晉因之南北朝東魏改縣曰龍山屬順陽郡隋開皇初以龍山爲汝南縣大業中又改郟城縣仍屬襄城郡唐屬汝州臨汝郡五代仍舊宋爲郟縣屬潁昌府金復爲郟城縣屬汝州元復爲郟縣屬如故明屬仍舊

皇清因之編戶四十五里

寶豐縣

周春秋時鄭地秦爲應國地漢置父城縣屬潁川郡東漢因之晉屬襄城郡隋唐證聖元年析郟城縣地復置武興縣尋改爲龍興屬汝州臨汝郡宋宣和中始更名曰寶豐縣金因之元省入梁縣明初省梁縣入汝州成化十年以州東南五保仍置寶豐屬汝州

皇清因之編戶三十八里

伊陽縣

周爲陸渾之地秦置新城縣屬三川郡西漢東漢俱屬河南郡晉屬河南尹南北朝後魏屬南陽郡東魏屬新城郡隋開皇初郡廢改縣曰伊

關屬河南郡唐先天元年始析置伊陽縣屬河南府河南郡宋熙寧五年廢伊陽縣爲鎮改屬伊縣金屬嵩州元至元三年省入嵩州明初仍舊成化十二年復置伊陽縣屬汝州

皇清因之編戶三十里

汝州疆域圖



汝州疆域考 通志州縣志合載

州屬四境

東至開封府襄城縣交界一百二十里

西至河南府洛陽縣交界九十里

南至南陽府南陽縣交界一百六十里

北至河南府登封縣交界四十五里

東南至

東北至

西南至

西北至

東西至二百二十里南北袤一百二十里

本州

東至郊縣交界四十里

西至伊陽縣交界六十里

南至寶豐縣交界四十里

北至登封縣交界四十五里

東南至寶封縣交界

東北至禹州交界

西南至伊陽縣交界

西北至登封縣交界

東西廣一百里南北袤八十五里由州治東至

開封府里北至

京師一千九百里

魯山縣

東至葉縣界七十里

西至伊陽縣界七十里又西至嵩縣三百里中至歌馬嶺巡檢司

南至南陽縣界四十五里又至南陽縣二百一十里

北至汝州一百二十里

東南至

東北至

西南至

西北至

東西里南北袤里由縣治北至汝州一百二十里至開封府里北至

京師一千一百里

郊縣

東至草店鋪襄城縣界四十里

西至長安阜鋪汝州界五十里

南至汝河寶豐縣界十里

北至靈泉寺禹州界三十里

東南至馬鞍山葉縣界五十五里

東北至張德店禹州界四十三里

西南至高鐵爐寶豐縣界

西北至黃澗河汝州界五十五里

東西廣九十里南北袤四十里自縣治西至汝州九十里南至開封府一百里北至

京師一千一百里

寶豐縣

東至郊縣界二十五里又至襄城縣界五十里

西至伊陽縣界六十里又至魯山縣界五十里

南至魯山縣界十二里又至葉縣界七十里

北至汝州界四十五里又至郊縣界二十里

東南至葉縣界

東北至郊縣界

西南至魯山縣界

西北至汝州界

東西廣七十餘里南北袤八十里自縣治西北至汝州九十里東北至開封府里北至

京師一千一百里

伊陽縣

東至汝州界二十里地名車坊有界碑

西至嵩縣界三十里以棗林坪分水嶺爲界

南至魯山縣界七十里以普救關爲界

北至洛陽縣界六十里有界碑存

東南至

東北至

西南至

西北至

東西廣里南北袤里自縣治東北至汝州九十里至開封府里北至

京師一千一百里

形勝附

本州

通志面環汝水背負嵩山左控襄許之饒右聯伊洛之秀乃中州名郡也

州志州居河南宛洛之中湖派於河洛綿互於嵩嶽

風清巢許葉煥買馮依然豐鎬名邦古今勝郡

州西八景

風清巢許

州西八景

崆峒煙雨 黃帝問道處也旦夕微熹鬱鬱煙

雨今登仙石仍存有足跡洞中白犬往往外游

溫泉曉霽 泉熱如鼎沸前人引水數步爲浴

池唐元宗曾幸駕舊有武則天流杯池碑立廟

以祀湯神旭日澄波如雨初霽

龍泉夜月 水光瑩潔夜月澄波雖陰雲障蔽

而俯視泉中魄影自若其奇觀也

妙水春耕 水可利耕每春雨來不膠不澱

穰穰歡動田家勝聚

峴山疊翠 汝山惟峴山孤危一峰插天遠望

則疊嶂層巒穿雲耀日菁葱之色可嘉

春日桃園 在聖王里一望數里盡植桃花每

三月爛熳絢目萬樹皆春

玉羊晚照 石多羊跡因以名山每衆山日落

而斜陽餘旭獨留

汝水橫州 水遇泛濶洲亦不沒且澄清徹底

見汝石璀璨光華映人眉宇

風穴八景

錦屏風 屏巒壁立千花競發滿目煙霞恍然

錦屏可愛

珍珠簾 危巖絕壁瀑布噴珠恍若垂簾

吳公洞 吳茂復字辨叔嘗讀書於此

昇仙橋 橋橫洞口費長房見壺公於市肆懸

壺賣藥因師事之得其傳歸隱山樓一日指竹

翫月臺 山高月出清光如水真堪舉杯邀月

把酒問天

懸鐘閣 高閣臨霄疎鐘出谷空山發響聲振

林阜

翠嵐亭 嵐侵雲漢獨出衆山凝黛含煙恍如

圖畫

魯山縣

通志左控露山右涵湯谷

汝州志魯居汝宛之中扶輿清淑之氣毓秀鍾

靈故名山大川平原沃壤莫不有間氣所鍾則

地靈人傑其關合者遠也唯魯北踞青嶺之秀

南瀝沙漢之波露峰東峙鳴谷西環瞻翠臺而

景仙令之風觀商餘而把高賢之韻古所稱山

水秀拔甲於西京者其在此乎

縣八景

魯山獨秀 一名露山距縣東十五里平原突

起壁立峻峭爲一邑之鎮

沙漠雙清 沙漠二水分流合注澄清徹碧圍

繞城郭恍若銀漢金波

南華夜月 南華觀名道士張三丰夜至求燈

弗得畫月壁間炫耀如畫

大勝曉鐘 古有鐘自沙河流出大勝寺僧懸

於樓每天明不扣自鳴

皇女溫泉 泉發石中熱如鼎沸有上中下三

天時夕陽返照蹊徑分明遂不至厄

靈藥商餘 唐元次山父延祖以商餘山地多

靈藥遂家焉

善政琴堂 縣北不越百步唐令元德秀所築

公餘之暇輒登高臺撫絃居民思德政愛護

倍殷千古侈爲勝跡

郊縣

通志魯巖嵒而峙紫雲帶汝河而會尾澗

汝州志北有峨嵒尾陽大小劉諸山之峻東南

則落冕平頂馬鞍韓尖之險汝河橫貫藍水入

之沃野平曠延袤八九十里吳楚秦晉之周道

也

縣八景

藍橋春漲 卽長橋也野水斷橋平蕪夾岸每

春水泛漲一碧無際

尾澗曉烟 尾陽山澗橫跨長虹東上朝曦則

烟雲相雜

汝水秋風 汝水發天息而達尾及秋水落石

出聞數十里恍若風行徹底珠璣錯落

靈泉夜月 泉在鳳翅山陽禱雨輒應有水盈

池清如涵月

蘇墳夜雨 墳在小峨嵒山東坡以其形勢類

蜀故以小峨嵒稱之與子由共埋玉於此後人

並瘞老泉衣冠於其上植嘉樹千章慈龍蒼鬱

信宿之客疑同雨聲

紫雲晴雪 峰多雲氣舒見青紫因以名山爲

楚莊王長女修眞之地凡冬雪初霽色更可嘉

劉山雨霽 脈從嵩山南瓦突兀雄峙羣山環拱昔漢高光武咸駐兵於此因有大劉小劉之號每當霖雨初霽山色如黛

釣臺晚照 昔黃帝問道廣成七聖扈從駐蹕此地奏鈞天之樂至今餘音雖逝而落日登臺仍饒異趣

寶豐縣

通志沙河南繞汝水北紫

汝州志淨水芳流北郊衍天漢之波香山奎聚東壁發龍珠之祥箭臺在前宛如眼弓汝墳在後疊爲遠背坤異時而毓秀入垣薦元特聳漢櫻旋而涵精益潯環帶重關

縣八景

香山奎聚 唐白居易九人皆年高不仕創治石樓結社於此時稱香山九老後人爲建九老閣居易自號醉吟先生又號香山居士

珠砂空洞 在香山前相傳有絳衣女子入此洞追尋不見掘之得珠砂一窖

酒務春風 卽雙酒務明道先生監酒稅於此門人朱光庭立雪受業歸語人曰我在春風中坐了一箇月卽此地也

石渠仙蒲 菖蒲引年藥也產於他處者多溫惟此地水行石上曲折湖泮吟吟響咯可以流觴可以聽甌會生仙蒲一種肥白香堅皆一寸九節甲於海內後取之者廢所生難供所求遂致種絕

五朵蓮屏 在西山峰巒有若蓮屏翠色堪翫

白雀異槐 在父城相傳槐陰甚盛枝節狀如龍形其葉狀如龍爪螻蛄不敢上每遇豐年必有白雀巢於其巖寺因以志雙美今槐枯不春雀亦驚飛不同矣

沙河晚渡 河濱雲烟縹緲電隱隱往來行者日夕間有舟渡聲卽之無所見疑有神異云樂天古宅 唐白樂天遺跡在官家衙莊門遠清漣可以灌溉

伊陽縣

通志汝水經其南鳳山枕其後

汝州志伊陽界汝之西南羣峰羅列穹窿巖嶂渠潭錯錯泓泓流行斜陽返照波流落洛雖兵燹之後猶存鎬洛之雄風

縣八景

桃源勝蹟 夾岸桃花爛熳河水繞出其右鳥歌花笑動人塵外之想

雲夢仙境 距城東三里懸崖石洞闊數武相傳鬼谷子修真處內穿一道崎曲非執炬不能入約二里許一洞口如其隔洞一小石塔自頂滴水淋漓有聲注下越澗探洞口內遠闊無際

窅然莫之敢入問之伊人從無窮其源者

鳳山朝陽 城北一峯獨秀左右二鬼如翼然因名鳳山上建元武宮山麓時見五色石如鳳紋瑩潔生光

龍崖夜雨 城西十里懸崖壁立下臨河水崖光映射遇雨山嵐濛濛若有龍象焉

瑞雲屏障 城南三里峻嶺如屏林木鬱蔥有

雲八嵐光一發宛若畫圖

紫羅石潭 汝水經流其下昔神禹疏決於此潭水溶溶怪石巉巖相傳紫羅兵駐節處

峴山墨翠 山時縣南聳秀拔萃陟其巔汝屬盡收目中有官闕春秋多朝禮者朝霞夕秀

伊闕巨觀 汝水掩藍 汝水出天息距縣二百里抵青巖決龍崖過紫羅經鄉郭襄鄧而達淮泗注之海獨由伊闕縈迴有拖藍泛碧之色

汝州星野考

汝州星野考

州屬分野

汝州

汝州在豫州之城其地周其星柳星張之分野陳卓魏志汝當入心星三度或云入房一度又通考在觜參度按斗二十四度自吳越以至交廣皆其分野并三十一度僅爲秦蜀之半豈汝一彈丸地可當二三躔度乎然在天成象在地成形今因地以驗天或當以嵩屬張宿爲準

汝州山川考

本州

風穴山 在州治東北二十里上有穴世傳風將發則先有聲其山環抱蒼柏蒼鬱唐時貞禪師傳燈之所因建寺焉

魚齒山 在州東南五十里左傳謂楚伐鄭次于魚陵涉于魚齒之下卽此下有石泉

霍山 在州治東南二十里左傳謂楚襲梁及霍卽此相傳漢立霍山縣今有古城遺址

霍山 在州治東南二十里左傳謂楚襲梁及霍卽此相傳漢立霍山縣今有古城遺址

霍山 在州治東南二十里左傳謂楚襲梁及霍卽此相傳漢立霍山縣今有古城遺址

鹿臺山 在州治東北二十里有臺若踰鹿之狀

竈君山 在州治西南三十里

張峪山 在州治南四十里一名蔣姑山

黎駕山 在州治西北五十里軒轅間道經於此

鳴皋山 在州治西北六十里山南舊有唐貞觀時所建清暑宮

玉羊山 在州治西六十里其山石多羊跡因名上有薄太后廟

重金山 在州治北四十里山多黃石層壘每於日西掩映如金

崆峒山 在州治西六十里上有丹霞院廣成子修道處

三山 在州治東三十里一名排衙山下有龍池土人耕得斷碑爲古慈濟宮

植樹山 在州治西南四十五里檀山禪師修道處

望雲山 在州治東南十八里自伏牛山蜿蜒而來面對三山

鳳凰山 在州治南五十里

獅子山 在州治北三十里其石高聳若獅子狀

龍尾山 在州治東北三十五里

石樓山 在州治東三十里

馬頭山 在州治南三十里

紫石山 在州治東北五十里

峴山 在州治西南六十里

灌頂山 在州治東北三十里水下流入澗

牛頭山 在州治西北二十五里

牛觶山 在州治西北二十五里

牛心山 在州治北十五里

鼎山 在州治西北二十里下有朱魏王墓

大雄山 在州治東北三十里

百葉山 在州治北二十里

羊圈山 在州治南二十五里

五龍山 在州治北二十里

草橫山 在州治西南四十五里

黃龍山 在州治西二十里

白崖山 在州治西北四十里

賢山 在州治西北三十里

龍山 在州治西南三十里

長山 在州治西十里

紫金山 在州治北三十五里有聖井四時不竭

傳家山 在州治西北三十里

富春山 在州治南二十五里

毛家嶺 在州治東北三十里

汝河 在州城南五里其源出天息山經伊陽縣過州境東流合尾澗水達於淮

洗耳河 在州治西門外源出箕山按通典云箕山在汝州北五十里登封縣界許由避堯隱其處

箕山 在汝州北五十里登封縣界許由避堯隱其處

高崖河 在州治西十五里

牛圈河 在州治西六十里

荆河 在州治西十五里

燕子河 在州治西南二十里

冷水河 在州治東北四十里

減河 在州治西四十里

黃澗河 在州治東三十里俗呼趙落河

仁義渠 在州治東十五里

聚寶壩 在州治東大莊保

龍泉 在州治西北

溫泉 在州治西南四十里泉熱如沸源有九眼東南流入廣成澤

懸珠泉 在州治南五十里

湛水 在州治源出馬跑泉經葉縣入汝水左傳楚公子格與晉戰於湛坂即此

妙水 在州治西有妙水寺雨中春耕不膠不澱

野狐泉 在州治東南三山下

石龍澗 在州治西四壁千仞散泉爲雨

西湖 在州治西北一名龍潭陂

霧滋溝 在州治西北三十里

太史湖 在州治州守王洙治爲一州之勝

元洞潭 在州治西南四十里

黑龍潭 在州治東南村禱雨有應

蜂窩潭 在州治西四十里

廣成澤 在州治西四十里

大慈泉 在州治東北風穴寺山麓南流合澗

涉泉 在州治東南廟嶺山下

巢父井 在州治西關內
聖井 在州治北紫金山上

魯山縣

魯山 一名露山在縣東十八里其山孤高聳拔爲一邑之鎮因以名縣

堯山 在縣西十五里泄水所出相傳堯之後裔劉累以豢龍事夏后懼罪奔魯立堯祠於此

彭山 在縣東南二十八里世傳彭越嘗於此屯兵

大孟山 在縣西五十里山頂有四面石城俗謂大團城小團城

黑山 又名烏山在縣昔魯陽公與韓構難日暮揮戈夕陽返照後光武爲王莽所追至此昏黑因舉手祝天日亦返照

明山 在縣西北三十里光武避莽自黑山至此天始明

望公梁山 在縣西八十里昔孝婦不厭家貧晨昏運水感神乘馬三索其水婦三與飲馬不吝因授鞭置瓮中水爲不竭後婦歸寧夫家攜鞭水遂泛濫溺其翁姑奔喚婦窺石鎮之水止欲得翁尸姑嫂登山相望偕化爲石望公梁山即其處也

掛爺山 在縣西南三十里俗傳洪水氾濫汝人之夫被溺婦女往求得之山頂遂名

窰石山 在縣西八十里即姑嫂窰石鎮水之處

壺山 在縣南二十里形圖如壺漢處士樊英

隱於壺山之陽即此

商餘山 在縣東南三十五里元延祖採藥處

窰君山 在縣西一百里有龍湫及普濟廟

焦山 在縣西北九十里焦光贊寨在此

文峰山 在縣東南三十里一名筆架山

臥鼓樓山 在縣西百里有石壁鐵環

摘西樓山 在縣西一百里

雙梁山 在縣北二十里

穀積山 在縣西北三十里即將孤山

五梁山 在縣西北八十里上有阿烏婆寨

交口山 在縣西南五十里兩山錯綜相交

扶安山 在縣東南五十里

虎頭山 在縣西十五里

背陰寺山 在縣南十八里有龍泉禱雨每應

鷄籠山 在縣西八十里

大夷山 在縣南三十五里

杏兒山 在縣西南三十五里

草臺山 在縣西五十里

土門山 在縣西四十里

沒大嶺 在縣西一百五十里

歇馬嶺 在縣西漢光武經此歇馬明成化年立巡檢於此處

青條嶺 在縣西北四十里有元次山孟良二寨

白沙嶺 在縣南五十里

五里嶺 在縣西二十里又名吳起嶺

分水嶺 在縣西南七十里

羊園嶺 在縣西北七十里

和尚嶺 在縣西六十里昔有僧卓錫於此

傅家嶺 在縣東十五里

射坡 按縣志在縣南十五里旁有將軍墓

肥溪 在縣唐考功郎中蘇源明商餘探曰商餘之下肥溪之曲即此是也

溫泉 在縣有三舊名皇女湯商后嘗浴其處

戴水經中其下泉水熱如沸中泉水平溫上泉水微溫俗呼爲上中下湯去縣六十里居民引爲沐浴池能愈瘡痍痼疾

涼水泉 在縣西八十里其水沁齒之涼飲之除恙

湖泉 在縣南十五里有湖出泉今湖水竭而泉流自若

師姑泉 在縣西六十里中有石盆俗傳昔有尼姑沐此忽不見

泉陂 在縣北二十里青條嶺下其深莫測甘涼可飲元結愛之宅於此今有元次山墓

康家渡 在縣西二十里沙河之次水漲以舟濟人旁有康氏居

塔兒灣 在縣東八里多前代古塔

賀家灣 在縣北七里達老河畔賀氏居此上有賀將軍廟

支鍋石 在縣東北十五里賀將軍炊爨處

沙河 在縣南五里出沒大嶺合汝而注淮

漢河 在縣西南十五里土沃壤故名元次山

家焉

潢河 在縣東三十里左傳楚伐鄭夾潢而軍漢光武破王尋於昆陽士卒溺死水爲之不流即此

三灣河 在縣南三十里一水曲折俗呼三道灣即古鴉路

九女潭 在縣東北十八里有龍王廟霖雨輒應

白沙溝 在縣西五里沙色尤白

水磨溝 在縣北二十里

郊縣

大劉山 在縣舊志以爲古龍山也漢高祖入關道出其下故名在縣西北三十里按水經注汝水南與龍山水會水出龍山龍谿北流際父城縣故城東又東北入於汝水則劉山非龍山也豈山名偶同與

小劉山 在縣大劉山之陽距縣十餘里以光武駐蹕故稱小劉山以別大劉云中有高門洞深邃無際古避兵之地也

鳳翅山 在縣以山形名亦號崑崙山在龍山東縣北三十五里天啓中有鳳見於山之巔

綠石山 在縣一名岫嶺嶺大劉之枝山也

冠陽山 在縣西北四十里冠水出其陽山有洞相傳要敬嘗隱於此

蒼山 在縣冠陽之西距縣五十里

三山 在縣野豬峪去縣北四十里

峨嵋山 在縣西北五十里蘇子瞻爲汝州團

練使以此山類蜀之峨嵋故以名焉子瞻子由俱葬此後人復葬老泉衣冠合爲三大塚前代名公遊此者多賦詩記碑琅琅林立明季祠垣傾圮古柏數百株俱爲土賊斫去邑令卜永昇徐鳳鳴相繼修葺墳之西南有二塚久湮姓氏其一爲盜所發

皇清順治乙酉秋主簿喬鉢謁蘇墳經此取閱墓誌乃蘇公過爲夫人梁氏誌也按梁氏宋學士顯之裔喬鉢於是敘暴骨具衣冠而葬焉有重葬梁夫人記鑄於原志之陰順治己亥邑令王昕捐修垣墓

鳳山 在縣西北二十里漢世祖本紀建武十七年有鳳鳳見於潁川之鄉縣蓋此山也東觀記曰鳳高八尺五彩羣鳥並從行列蓋地數頃停一十七日山有王喬祠

平頂山 在縣東南五十里峭壁倚天絕頂平如掌方十里許

落甕山 在縣平頂山西以葉令王喬得名相連者曰棚山馬鞍山韓尖山俱在縣東南五十里

紫雲山 在縣東南三十里山常出雲青紫色

黃伯山 在縣東南三十里

陰山 在縣東三十里汝水經其下

汝水 在縣南十里水經所謂又東南經潁川鄉縣南者也鄧道元注汝水所經有張磨泉水西東長湖水尾澗水養水蓋溝水汲水柏水藍水白溝水龍山水今惟藍水汨汨合流入於汝

其橋以水名土人呼爲長橋柏水俗猶謂之寡婦水尾澗已久涸故道僅存餘皆填闕湮塞雖迴野彌望高下不一而川沒遺蹟渺不可尋矣藍水 在縣東三十里水經注出陽翟縣重嶺山東南流經紀氏城又東南流經黃阜東而南入汝水今水經塚頭鎮又南至長橋橋之東入汝土人謂之吳趙河紀氏城不可考而水東村有以紀名者塚頭鎮河西市易之區其古黃阜舊地與

尾澗水 在縣水經注出大劉山南經鄉城西南流入於汝今城西五里有尾澗橋故道依然而車馬絡繹皆自橋下行

柏水 在縣水經注柏水經賈復城北復南至鄆城俗語訛謂之寡婦城水曰寡婦水至今猶然經縣南寺莊西入汝

小龍水 在縣西北伏見不常性與濟水同

黑龍潭 在縣東南三十里一名龍池歲旱禱雨則填石其中與池平雷雨後一泓湛然石不可見然多不驗

團造谿 在縣東十五里南入藍水

封家谿 在縣東南三十里北入汝水

安良谿 在縣北十八里入團造谿

靈泉 在縣鳳翅山

馬跑泉 在縣北十餘里相傳光武駐蹕於此馬渴跑地得泉故名

龍骨泉 在縣北大劉山下流十里許

龍泉 在縣東南小安寺

眼明泉 在縣小劉山陰俗於清明日汲以洗眼可醫昏眊

大水泉 在縣洞子溝

寶豐縣

香山 在縣東二十五里舊為火珠山東曰大

龍山西曰小龍山此山秀出其中世傳大悲菩

提證道之所有元時勅修香山寺在焉塔記並

存唐九老白樂天結社香山即其地也

大龍山 在縣香山之左險阻天設正德九年

流寇作警民多依此避患後建祖師廟於其上

小龍山 在縣香山之右山下有潭世傳有龍

居此禱雨輒應

荆山 在縣南十里許石渠河在其陰舊有荆

山鋪荆之名無可考

魚山 在縣東南四十餘里

九里山 在縣東南三十里世傳楚漢交戰於

此即韓信困羽垓下之地

蓮屏山 在縣西九十里五峰並峙疊翠如屏

故名

三堆山 在縣西雙酒務山下有白樂天故宅

臨汝郡公墓

火山 在縣西十五里山之石鏃刃擊之有火

故名

虎狼山 在縣西北三十餘里元時草木蕃庶

狼虎多居於此故名

甘羅山 在縣西二十里史記甘羅與楚人築

臺會盟即此地也今有甘羅臺

訓狐山 在縣西四十五里相傳古有訓狐鳥

巢棲其間故名

青條山 在縣西四十里寶豐縣之得名以此

山出煤礬諸貨因而名之比隆萬時尚有自崇

禎以後竟絕無矣

嬰山 在縣東南十餘里與荆山青條山相連

蝦蟆山 在縣東十五里狀如蝦蟆故名

鋸齒山 在縣西四十里其石狀如鋸齒故名

霸山嶺 在縣東四十五里相傳項羽與漢相

拒在此故名

交馬嶺 在縣東北十二里世傳賈復與王莽

嘗戰於此故名

滴水崖 在縣西七十里石崖巖巖水自石隙

流出其形如珠垂相繼故名

鳳凰山 在縣南五十里留村鎮中

有高峰類於鳳頭鳳身鳳尾尾後有泉兩旁展

翅若飛前有沙河環繞似乎飲水之狀

九子山 在縣西北五十里來龍逶迤

貫珠旁有九峰宛如嬰兒繚戀父母

書案山 在縣南三里

黑馬山 在縣南十里

寺山 在縣南十五里

壽峰山 在縣西五十里上建壽峰寺

書山 按縣志在縣南二十里與寶官相應因

名

硃砂空洞 按縣志在香山前相傳有絳衣女

三溝洞 按縣志在城西大營

汝河 在縣北二十里毛詩汝水出汝州天息

山經蔡潁入淮是也

沙河 在縣南四十里發源魯山竈君山經流

縣南境上至葉縣東南合汝水入淮

淨腸河 在縣北門外發源青條嶺自城西環

繞而東經流東南境上入汝世傳賈復身被鎗

刺腸在此故名

湛河 在縣東南四十里春秋楚公子會盟于

阪此其地也又左傳楚戰於湛阪

浣河 在縣東北十里發源雙酒務金家泉經

流縣北境上而東入於汝舊有浣河鋪今廢

秋河 在縣東南七十里發源魯山楊家林經

流葉縣入沙舊有秋河鋪今廢

馬渡河 在縣南十里發源青條嶺入於沙相

傳漢光武提兵至此適河水泛漲軍馬競渡故

名

石河 在縣北二十里發源雙酒務觀音沿經

流縣北境上入汝

嬰河 在縣西南十里即馬渡河上流

澗水河 在縣北城外自西而來發源雙酒務

龍潭合淨腸河入汝

泥河 在縣東南六十里發源魯山縣大夷山

經流葉縣孫村壑

馬道河 在縣西六十里發源鐵山龍泉經流

魯山縣入沙相傳光武提兵經此故名

五龍泉 在縣西四十里湧激萬狀若有龍臥伏

伊陽縣

峴山 在縣南四十里形類楚襄陽峴山故名千仞聳峙峰巒秀絕造其巔汝屬咸收目中伊闕巨觀也

瑞雲山 在縣南三里岡巒聳拔形勢如屏林木鬱蔥烟嵐出沒清秀可挹

雲夢山 在縣東八里懸崖峭崿下有石洞閣不數武相傳鬼谷子修煉處蘇張受書即於此內洞徑遂迤非執炬不能入進二里許一洞口如箕隔澗一小塔自頂滴水冷冷有聲越澗探

洞口內遶闕無際詢之土人從無窮源者真仙境也洞外即古桃源至春夾岸桃花爛熳河水繞出其右鳥歌花笑動人塵外之思一名王禪洞

紫羅山 在縣東十里山勢險峻

天馬山 在縣東北十五里

鳳凰山 在縣北三里一峰聳翠左右二岫如翼故名有石五色瑩潔可愛人謂之鳳卵然不多見山頂建真武廟每旭日朝升光彩煥發

甘泉山 在縣北五里

練溪山 在縣東北十三里內有練溪寺西有龍潭并驪龍臺

篩子梁山 在縣西南七十里上有石洞

青山 在縣西南三十里上有真武廟

大風山 在縣北三十里兩山對峙中通一道路

雖無風常瑟瑟有聲故名相傳有仙女望龍門足跡宛然

香爐石山 在縣東北二十里有大石狀如香爐

五梁山 在縣西南五十里五峰相連

十八盤山 在縣西南一百里山峰高峻路十八折而始上故名

蒿里山 在縣西一里

天壽山 在縣北五十五里

掛龍山 在縣西南十八里懸崖屹立下臨河潭崖既蜿蜒又碎石鱗集遠望如龍形每至夜半崖水相激零零若雨

虎頭山 在縣南二十五里

珠簾崖 在縣

分水嶺 在縣西三十里河水東西分流伊嵩之界

吳起嶺 在縣北五十里

葛城嶺 在縣東五里

夾馬嶺 在縣北六十里下有報恩寺

青羊寨 在縣南六十里

安坡 在縣北五十里白元鎮

望城岡 在縣西一里

天息山 按縣志汝水所出

駱駝嶺 按縣志在縣境內

伊河 在縣北六十里出自熊耳山經嵩入伊境北至偃師入於洛夾河鎮適當其衝舊夾河西里餘爲班家莊莊西二里許方至河濱土人

開宋泉渠引水灌地水勢逼湧歷年漂沒莊遂烏有今且夾河鎮閘門接河矣

汝河 在縣南門外出文石昔有馬家書房綠柳掩映菱荷繡紛爲伊人遊賞之處今則淪爲河濱矣

馬藍河 在縣東南八里舊河止同渠道兩岸小渠十數灌漑田苗窄口渠其大者也數年水旱不時涇潦則泛漲莫禦旱乾則涸滴膏無今且河塞里餘矣

宋定河 在縣北六十里歷茹店至土門入伊未定渠本此數年水竭田不享其利

杜水河 在縣源出杜康氏相傳杜康造酒於此白元鎮未遠渠下蔡夏係二渠俱本此惟此河兩岸田地無傷

九女河 在縣南三里出瑞雲山脚旱潦不溢不竭上有碑記曰聖水泉不知何年立名今人惟呼九女河

黃龍潭 在縣北十五里上接山澗北枕石臺高三丈有奇得雨則溢飛流直下穿爲此潭潭東西山形似二門潭深莫測又兩山樹木交覆於上下視潭影空香臨之未有不股慄者

嚴莊河 在縣東七里

練溪 在縣東十五里溪泉滑洌左右環流出紫羅口

涼北湖 在縣北三十三里原係民地其形四面皆高每值霖雨聚水浸淫里許浩蕩澎湃儼然巨浸

葉家湖 在縣北五十里地形勢與滄北似而差小

蝦蟆潭 在縣西五里昔汝河經流於此為潭嘗有黑馬為民稼害盡則入此潭後馬不見而汝繞南流此為陸地俗人訛黑馬為蝦蟆云

九女泉 按縣志在縣南三里

夾河 按縣志在縣北六十里

水利附

本州

汝州以汝水而得名其源自天息至州匯諸澗水流始大東行合扈澗經潁過蔡入於淮紆迴州境度可二百餘里明弘治間州守彭綱相土宜稻循水勢疏為堰又穿諸泉為渠民始蒙水之利

大義渠 龍泉渠 烏龍渠 仁義渠

玉泉渠 金斗泉 圪湧泉 界蘊渠

聖王渠 荆河堰 興濟堰 保生堰

紅龍渠 重修渠 冷水渠 侯家渠

中聖渠 聚民渠 禮讓渠 燕子河

冷水泉 黃道堰 野狐泉 蔣家渠

曩時堰渠尚多歲久壅塞名目莫考今但就現在已成者紀之

魯山縣

沙漢在城南名石蹟難引灌惟西南山大泉派實繁全盛時山民有蓄洩得宜者然卒無方圓成頃亦無大利止有稻兵變之夜平原沃壤鞠為茂草矣

郟縣

郟自汝水外溪流頗多自昔未有興疏鑿之利者間有之亦不久輒廢

熊令惠民渠 明嘉靖二十八年知縣熊鳳儀引汝水為渠東週城壕復自便耕門南入於汝

熊令去渠遂廢

葉令渠 明萬曆二十一年知縣葉榮自薛店南引汝水為渠未幾大水淤塞

王令渠 明萬曆四十五年知縣王策引扈澗水為渠週城壕尋涸先是元至正十一年嘗引

扈澗水入西城門由東門出云

寶豐縣

寶豐境內其最大者莫如沙汝兩河汝河經其北若靈雨驟漲行人趨避民病涉焉沙河繞其南岸土疎鬆每夏秋間大雨特行則兩岸田禾多至淹沒然設縣之後從無隄防之築民避河而居不與河爭地故被害亦鮮焉至於石潁淨

賜等小河其源不遠細流不斷間有引水灌田地高水遠開於疏石用工甚苦此境內水田絕少其以是歟

伊陽縣

環伊皆水也故確地甚多而汝水又從中傾瀉不時暴溢前人於城東聖王鎮小店小寺上店等處疏渠灌水用以灌田多成沃壤但陵谷有變遷故堰有通塞耳

末惠渠 在縣城南三里

殿陵渠 在縣城東七里

聖王渠 在縣城東南三十里

末昌渠 在縣城西南八里

興平渠 在縣小店里

末定渠 在縣城北六十里

末泉渠 在縣城北五十里

末平渠 在縣竹園鎮

葉家渠 在縣城北五十里沽泊鎮

末遠渠 在縣城北五十里白元鎮

泉水渠 在縣城北三十五里

下蔡渠 在縣城北四十五里下蔡鎮

臨城渠 在縣南門外

惠民渠 在縣城北四十里內埠鎮

欽定古今圖書集成方輿彙編職方典

第四百八十二卷目錄

汝州部彙考二

汝州城池考

汝州關梁考

汝州封建考

汝州公署考

汝州學校考

職方典第四百八十二卷

汝州部彙考二

汝州城池考

本州

州志

汝州城池 洪武初建週圍九里十三步高二丈六尺闊一丈二尺壕塹深一丈八尺闊一丈二尺門三東曰仰京西曰瞻洛北曰望嵩南門闕弘治間同知徐衍重修申闢南門榜曰遵汝

正德間州守唐誥重修嘉靖丁亥州守喬年增築臺樓向屬土坂萬曆間州守劉觀文甃以甃

崇禎辛巳流寇破城四大樓盡燬州守胡向極重建至

皇清順治八年辛卯夏水災衝突旋亦修葺汝士民

建大王廟於洗耳橋側以鎮之始幸安流鐘樓

望嵩樓破燬康熙二十五年州守羅大美重修

屬縣

魯山縣城池 魯方城五門堪輿家謂取土形

以收四方中正之氣高二丈四尺上闊八尺下

闊九尺周圍五里池深一丈二尺闊九尺周圍六里有奇皆甃甃歷經修理至明萬曆間傾圮幾墟邑令苗煥大修之

郊縣城池 郊故土城也周十里有奇高一丈五尺廣八尺三寸基廣一丈二尺女牆高五尺

歲久傾圮明成化中知縣王璽改築拓其址十二里有奇關五門東曰迎恩西曰望嵩南曰臨

汝北曰拱辰東南曰便耕歷七十餘年復就圮隆慶己巳知縣趙應元始創為磚城三年築四

百四十丈遷官去王申知縣許樂善繼之築九百八丈越六年萬曆丁丑亦遷官去蓋先後九

年而城僅完十之五六是年知縣伍磨復來繼之破格通變一年而築九百六十丈城遂以成

崇禎屹屹三公協心之力也崇禎壬午流賊李自成圍襄縣縣郊不致傾來攻刻平始盡汝同

知解所蘊攝縣事督民仍舊基以泥沙累甃為短牆守之

皇清順治庚寅知縣張篤行即其上建官廳三所壬辰知縣上永昇始大發徙入山採木石燒灰陶

甃并搜在官甃石之廢者重築之計圖二千三百有八丈城門樓東西北三周廬欽臺十有六

廣狹各號一週舊制雖日重修而功與創侔矣其臨汝門樓康熙甲子知縣張震維建池周城

十三里有奇闊三丈三尺深一丈五尺明萬曆末知縣王策嘗引扈澗水注之未幾涸今填闕

漸為平地矣

寶豐縣城池 寶豐縣前在元為鎮城因以廢

明成化甲午復置為縣知縣朱詮因舊址而築土城焉歲久城圯城濠湮塞正德庚午知縣徐

端因流賊劉六劉七趙風子作警重修門止三東曰朝京今榜曰東望大梁西曰望汝今榜曰

西通關陝南曰迎薰今榜曰南極瀟湘弘治辛酉知縣黃泰因民農不便請命於當道命汝州

同知徐衍相視開建北門名為瞻嶽榜曰北拱河嶽與三門同而規制有加民甚稱便俱無重

樓正德壬午河南參政楊子器撤舊鼎建之城高二丈二尺厚得高之半周圍四里有奇廣八

百二十二丈有奇池深一丈五尺闊如之更鋪四城各四座共十六座而四隅又各一座凡以

備守衛擊柝者之樓嘉靖三十九年知縣王廷簡始易以甃崇禎壬午冬闖賊李自成毀南門

兩旁拆平東南一角四面雉堞多有不全

皇清順治九年知縣于汝翼籌度經營內外補葺戊戌夏商羊為虐復多傾圮知縣劉維新躬親度

量修治多方康熙二十五年知縣李秀發各加修葺挑濬濬池築隄西門外永濟橋南過河水

入濠沿濠栽植榆柳諸樹周匝城垣遠望青蔥伊陽縣城池 城僅四里許外砌以磚內皆土

築高不踰二仞濠闊一丈六尺深八尺縣治泰漢以及唐宋皆在汝南元廢縣後舊址遂無存者明成化十一年遣副都御史原傑撫治荆襄流民遂建三縣於河南伊其一也然望之僅若培塿無足特陸慶五年知縣武鉤始增高數尺乃設樓城制粗備矣獨西城仍舊舊曆丁丑

知縣黃思翁繼起修築四壘如一及崇禎癸酉
流寇渡河伊先受陷樓櫓燬復為蕩然丙子
孔貞璞蒞伊大加修治基石增土高厚視昔有
倍規模完整居然可守之區
皇清知縣張聯翼復修之

汝州關梁考 通志州縣志合載

本州

洗耳橋 在州治西門外州守林中寶重修

仁義橋 在治東十五里

通濟橋

黃澗橋

會濟川橋

龍塘橋

鄭陸橋 巡道鄭國仕州守陸鎮默創修在趙

落西

夾河渡 在州城東南十里

魯山縣

歇馬嶺關 在縣西北九十里

大石橋

碾子橋

穀輶橋 漢光武為王莽所迫至此先過及莽

至則橋已沉矣

董家橋

孫家橋 郊縣

尾澗橋 在縣西五里

義濟橋 在縣西十里今水涸而橋存

惠民橋 在縣西三十里

孝濟橋 在縣西北三十里孝子苑馬寺少卿

劉濟建

黃澗橋 在縣西四十里順治八年知縣卜永

昇重修

塚頭西門橋 在縣東二十五里順治十五年

知縣徐鳳鳴修

長橋 在縣東三十里即藍橋知縣張震維補

修

馬村橋 在縣東南三十五里

汝河橋 按通志在縣東南十里

寶豐橋

龍門關 在縣東三十里大龍山下元時立設

巡檢司今廢

通都橋 在縣東郭外淨腸河上以路通京師

故名正德十一年邑人曹典創建天啓六年知

縣黃佐明重修

永濟橋 在縣西門外嘉靖元年鄉民張雲創

建後屢年大水衝圯至嘉靖四十一年知縣袁

亮重修堅固平廣萬曆十三年知縣饒大英重

修邑民喬樞李思忠捐貲倡輪改名倡善橋

惠泉橋 在縣南門外明河南參政楊子器改

渠建石橋制甚窄狹集市貿易者列貨其上不

便行李往來知縣李秀發因擴修之中可容車

傍可列肆行旅市井兩不相碍民甚德之

仁政橋 在城北門外淨腸河上嘉靖三十六

年縣丞江煥建未就陞去教諭潘元翰捐俸助

之至嘉靖四十年知縣袁亮始訖功萬曆間知

縣任龍邵建封沈懋俱補修故又名三公橋崇

禎五年知縣石可礪重建

廣濟橋 在城東北隅為濠水入河之道康熙

五年知縣胡中珣與史齊弘邑臣李德齡建

遂魯橋 在縣南十里要河上以路達魯山故

名

通濟橋 在雙酒務淨腸河上元延祐四年汝

州知州岑文建

西橋 在雙酒務南淨腸河上元至正十三年

河南行省大參松壽建

汝河橋 在縣東北二十五里高鐵爐汝河上

以木為之夏月撤去冬仍用

濟惠橋 在縣城南十里有奇凡襄葉兩縣運

煤皆由此橋而達明嘉靖三十六年鄉人袁林

建

泥河橋 在曹鎮南居民陳銘捐貲創建石橋

常家橋 在縣東八里常家溝上

石河橋 在縣東北二十里石河之上石橋一

座

玉泉橋 建置始末無考

秋河橋 建置始末無考

伊陽縣

上店鎮關 在縣西南三十里

普救關 在縣西南百里

月陽橋 在城東關萬曆二十四年邑令文翔鳳建

鳳建

聖王橋 在城東北二里舊有禹王廟云禹治水時所憩廟廢已久

鑾橋 在縣西門外跨城壕上

攔羊橋 在城北莘店鎮路接荆陝平地溝深二三仞下多淤泥土民李萬良建至今便之

永定橋 在縣北茹店鎮萬曆二十一年洛令王公建

皇清順治十年土人夏民傑夏紳重修

王公建

總志橋 在城北三屯鎮萬曆三十七年邑人儒士張吉士建先是其父張大興議修經始而歿吉士竟其工遂名

紫羅橋 在縣東十五里

棗林橋 在縣西二十五里嵩伊交界

汝州封建考

周

應 姬姓侯爵武王第四子所封之國今汝州東南有父城即其地也

梁 周平王子唐之所封也在汝州承休城西四十里有梁城是也

周 平王子秀之所封也後為秦滅之其地即承休城光武封姬常之所也

明

臨汝端懿王 簡王子薨子恭康王嗣

魯陽恭惠王 懿王子薨子靖肅王嗣懿子安定王未受封而卒

魯山康和王 惠王子

汝州公署考

通志州縣志合載

本州

州治 在城內正東洪武三年建明未被寇焚

堂舍盡成瓦礫止存議樓

皇清順治七年知州杜中寶重修建

布政分司 在州治東大街路北

按察分司 在州治西大街北舊兵巡道駐劄

自巡道奉裁州守高公直借居今因之

西察院 在州治西大街路北

州同知署 在州大街東新修

州判署 在大街北新修

吏目署 在後街北新修

陰陽學 醫學 俱在州治西

僧正司 道正司

常平倉 在州西門內舊共四所十二間係順

治年間奉巡撫都察院亢文鼎建康熙三十三年六月巡撫顧以儲積穀石倉版不敷捐貲分

發各州縣添造版房隨將發下銀兩備料鳩工

新建版房一十五間州守王登魁捐貲新建版

房九間共二十四間立有碑記以垂永久

義倉 坐落州之紙坊街泰山廟

社倉 坐落州之廟下街關帝廟

演武場 在州西關外

養濟院 在州南門內

漏澤園 在州西城外

各州縣

魯山縣治 舊在縣西門內大街兵火後止存

庫樓土地祠餘盡燬廢今新衙門在大街路北

雖舊係民舍自

國初以來物力民工及公處木料磚石盡置於此

而現今正堂丞署賓館馬神廟俱立於內

東察院 在大街路北止存三間內塑遇難楊

令像

西察院 在縣治東僅存其址

南察院 在縣治南久廢

新公館 在大街路南止存三間貯官穀

歇馬嶺巡檢司署 在縣西北九十里

陰陽學 醫學

僧會司 道會司 以上俱廢

預備倉 在倉巷

常平倉 舊設在衙東時久頽廢邑令王雍新

設二處一在南街路東一在西門內大街路南

演武場 在縣東郭外

養濟院 在縣城內

漏澤園 四郊皆有

第一〇〇冊 之〇七葉

方輿彙編職方典第四百八十二卷汝州部

郊縣署 在縣城內西街明洪武二年主簿程華甫創建正統六年弘治十三年縣丞傅子榮谷禹民相繼復修嘉靖四年孫昂改創規模大備明季焚燬一空

皇清順治十三年知縣徐鳳鳴重建譙樓在大門上

旌善亭 在縣門左申明亭在縣門右

典史署 在縣儀門之東

察院 在縣治東

布政分司 在縣治西明季焚燬

皇清順治十六年重修

按察司 在縣治西後街常平倉之東今廢

州公館 地無考

陰陽學 在縣治東開化寺前今廢

醫學 在縣治東開化寺前今廢

僧會司 在縣治東開化寺內今廢

道會司 在縣治西玉陽觀內今廢

常平倉 在縣治西後街

皇清康熙三十三年巡撫顧捐貲新建九間以足儲積

積

社倉 在縣城外

演武場 在縣南門外僅存地址

善濟院 在縣治南明末廢毀

皇清順治十六年知縣王斯捐俸重修孤貧始有居止

止

漏澤園 一在城西一在城南

寶豐縣署 在縣城內東街路北明成化十二年知縣朱詮創建萬曆三十四年知縣朱瑞鳳

重建規模深廣經寇亂焚燬一空

皇清康熙十七年知縣胡權重新創建計房百間堅完宏敞視昔有加

譙樓 在儀門南高二丈有奇即縣治大門

縣丞廨

主簿廨

典史廨 俱在縣治東今廢

察院 在縣東街路北設激揚坊一座明成化

初立縣時知縣朱詮建後知縣許可久增修兵火之後止存荒基

州廳 在縣西街路北明成化間知縣朱詮創後知縣陶淳重修今俱廢

學館 在縣後堂之西正房三間西廂房五間各衙門子弟讀文所知縣陶淳建有記

陰陽學 在縣治門東一間

醫學 在縣治門西一間二學舊無明參政楊子器會官相視賈侯墓東建明道院左右建二學後改移縣治門東西今俱廢

預備倉 成化間知縣朱詮建後俱毀知縣劉維新在北街東建大房三間歲久就敝知縣李秀發重加修葺

皇清康熙三十三年巡撫顧捐貲新建十間積穀以備救荒

潰陽倉 義倉 在縣南三十里

開店倉 社倉 在縣東三十里

演武場 在西門外大門一座正房三間周圍十畝今房屋傾圮

善濟院 在善濟街今廢

漏澤園 西門外南門外皆有

伊陽縣署 在縣城東北隅今廢就民居舍添設堂庫及門屏

典史廨 在縣署東今廢居民舍

公館 在縣治東久廢邑令張闡然就民居於新縣治西鄰權爲上憲停旌之所

申明亭 旌善亭 二亭在縣治西街南俱燬於寇邑令張文德修

僧會司 在碧峰寺內

道會司 在城隍廟前今廢

陰陽學 在城隍廟前今廢

醫學 與陰陽學並廢

預備倉 在縣城內文廟西萬曆初邑令武鈞創後遭寇焚燬

皇清順治九年邑令張文德創三楹於舊址後邑令郭若繹又捐修廩房四楹康熙三十二年奉文積穀備荒邑令謝夢弼又捐修十間三十三年巡撫顧捐貲又建六間

演武場 在縣東郭外舊有門坊一座結戎亭三楹塔下東壁一旗臺今久廢

善濟院 在縣城西南隅今廢

漏澤園 在縣四郊俱有

汝州學校考

州縣志合載

本州

州儒學 舊在城隍廟右明天啓四年甲子州守陳爰謀創建已巳年兵道楊嗣昌郡守林一桂遷州城西北隅即今地大成殿五間內塑有先師像四配十哲神主東西廡各九間戟門三楹櫺星門三楹門外爲泮池池外屏牆牆西爲儒學大門三間大門內爲二門三間二門內爲明倫堂五間

皇清康熙二十七年重修堂後爲敬一亭五間堂左爲崇德齋三間今廢右爲廣業齋三間今廢敬一亭後爲尊經閣今廢

啓聖祠 三間在大殿後

名宦祠 在戟門外之左三間

鄉賢祠 在戟門外之右三間

學正宅 在明倫堂西

訓導宅 舊廢見賃民房

文昌閣 三間原在舊學南順治十年巡道范

承祖州守秦耀名遷於文廟內

奎樓 在櫺星門左

汝陽書院 在大街路北

社學 在牙舖街

射圃 今廢

學田 舊有六七頃遭變亂後皆被人占種不能復考

屬縣

魯山縣儒學 在縣治東南大成殿七間順治

己亥舉人栗民梁庠生馬遠馭李廷樞等重修康熙十九年邑令傅燮調重修左爲東廡舊規十一間順治十四年丁酉學諭劉漢龍督修五間右爲西廡舊規十一間順治十六年己亥舉人栗民梁庠生李廷樞等督修五間殿前爲戟門三間順治己亥學諭劉漢龍同紳士督修戟門外爲櫺星門三間康熙十五年丙辰學訓毛奉徵庠生郭如量重修

啓聖宮 五間

名宦祠 三間

鄉賢祠 三間

敬諭宅 訓導宅 土地祠 今俱廢

文昌閣 三間

魁星樓 在小南門上

射圃 在城內東南隅

文峰塔 在南城上魁樓東

學田 八十三畝

郊縣儒學 在縣治東南金太和六年知縣張

志行創建明天順年間知縣錢清重建

皇清順治年間知縣張篤行卜永昇王昕相繼重修

啓聖祠 三楹順治十六年重修

名宦祠 三楹順治十年重修

鄉賢祠 三楹順治十年重修

敬諭宅 順治十二年重修

訓導宅 順治十二年重修

魁樓 在儒學門外嘉靖中建順治十四年重修

射圃 今廢

東社學 在張侯祠

西社學 在李侯祠

南社學 在學宮內

北社學 在崇正書院

塚頭鎮社學 在河東

學田 萬曆中知縣王策置田一百一十五畝以贍諸生

寶豐縣儒學 在縣治東街路北察院之東大成殿五間明成化十二年知縣朱詮創建萬曆

十年知縣丘雲龍天啓元年知縣范廷弼崇禎

元年知縣劉令譽各補修崇禎十年知縣石可

礪重建邑官王之晉助修明末流寇拆毀

國朝康熙二年河南府推官黃綬署縣事汝州同

徐志尹知縣胡中珣重建大成殿前爲戟門三

楹又前爲櫺星門三座康熙十二年知縣徐人

龍重建堂東側爲明德齋西側爲新民齋各五

間今俱廢

啓聖祠 在東廡後

名宦祠 在敬一亭之東南

鄉賢祠 在敬一亭西南

土地祠 在啓聖祠後

魁星樓 在櫺星門東

文昌閣 舊在明德齋後爲射圃廳後改爲文

昌祠今在東廡後

射圃 今廢

文筆塔 在東城

伊陽縣儒學 在縣治西廟學俱建於明成化年間至萬曆元年邑令武鉤重修崇禎七年邑令孔貞璞增飾巍煥會流寇猖獗悉付灰燼

皇清順治三年邑令張闇然五年邑令張文德康熙

十七年邑令康孟侯二十四年邑令王來遠三

十二年邑令謝夢弼各有修葺漸復舊制

啓聖祠 康熙三十二年知縣謝夢弼建

名宦祠

鄉賢祠 俱康熙二十四年知縣王來遠教諭

宋斌重建

文昌祠 今廢

魁星樓 康熙三十二年知縣謝夢弼捐建

教諭公廨

訓導公廨 俱廢

射圃 久廢

社學 在南門小十字街路東

學田 明萬曆初知縣武鉤捐俸金買民田二

百畝後知縣文翔鳳又置五頃以賑貧生